

Q. D. B. F. F. Q. E. J.

SOLLEMNIA

OFFICIORUM PUBLICORUM

SEMISAECULARIA

A. D. V. CAL. MAJ. MDCCCLXV

LAETISSIME CELEBRANDA

AENOTHEO MUELLER

DOCTORI THEOLOGIAE

PRAEPOSITO CONVENTUS DIRECTORI GYMNASII ET PAEDAGOGII IN COENOBIO BEATAE VIRGINI SACRATO APUD MAGDEBURGENSES  
EQUITI PERILLUSTRI VIRO AMPLISSIMO DOCTISSIMO HUMANISSIMO PATRIAE AMANTISSIMO RECTORI SPECTATISSIMO  
MAGISTRO EGREGIO DECORI AC PRAESIDIO STUDIORUM

PIE GRATULANTUR

GYMNASII REGII HENNEBERGICI SILUSIENSIS

PRAECEPTORES.

GOTHAЕ

TYPIS DUCALIBUS ENGELHARDO - REYHERIANIS.

A. MDCCCLXV.



1847

SOLENNIA

OFFICIORUM PUBLICORUM

SEMINARII

A. D. F. CAL. MAI. MDCCCXLVII

PAULUS GILBERTUS

ANOTHEO-MUELLER

PROFESSOR PRAECEPTOR

PAULUS GILBERTUS

JOHANNES REGI HENZBERGERI SILVENSIS

PAULUS GILBERTUS

GOTTAT

PAULUS GILBERTUS

PAULUS GILBERTUS



Qui tot virorum tempora cinxeris  
Carptis coronis Aonidum ex jugis,  
Ipsum hoc die Divae coronant  
Teque colunt, pia turba, amicum.

Expleta nam post lustra decem bene  
Relucet Eos clara eadem Tibi,  
Vitae fores laboriosae  
Quae juveni reseravit acri.

At non molesti nec sine gloria  
Erant labores eximia Tui;  
Et sideris modo micantis  
Nomen honosque Tuus renidet:

Sive ipse fontem Castalium bibis,  
Dulces juvat Te seu modularier  
Sonos Apulici poetae  
Davidicosve pios gravesque.

Nec non acumen grammaticae Tuum  
Obscuriori lumina praebuit.

Sed majus est scholis tot annos  
Nobilibus bene praefuisse.

Bis Albis annis ceu patrius Tua  
Gavisus est cura atque fide proba,  
Et ingeni suas palaestras  
Crescere provehierque vidit.

Nam dux juventae strenuus et catus,  
Justus piusque et propositi tenax  
Firmare mores disciplina,  
Seis pietate animos replere,

Et litterarum lumina splendida  
Fundens adornare ingenia optime  
Pulcrisque nobili bonique  
Imbuere egregiisque sensu.

Sic et diu Te propitius Deus  
Servet robustum fortis et ingeni,  
Decus scholae, exemplum magistris!  
Macte, colende senex, salute.



VIRO AMPLISSIMO ERUDITISSIMO EXPERIENTISSIMO

**AENOTHEO VUILHELMO MUELLER**

THEOLOGIAE DOCTORI

COENOBII B. V. APUD MAGDEBURGENSES PRAEPOSITO

PAEDAGOGII IN EODEM COENOBIO CONSTITUTI DIRECTORI

AQUILAE RUBRAE CUM LEMNISCO EQUITI

**QUINQUAGINTA ANNOS**

**IN PUBLICO MUNERE FELICITER EXACTOS**

A. D. V. CAL. MAJ. A. P. CHR. N. MDCCCLXV

PIO GRATOQUE ANIMO GRATULANTUR

**GYMNASII TORGOVANI**

PATRONI ET MAGISTRI.



Nunc quidem Te, Vir Summe, Parthenopolis habet, sed ante habuit Torgova. Hic magistri munus abhinc quinquaginta annos rite suscepisti, hic tricesimo aetatis anno rectoris dignitatem consecutus es, hic octo et viginti annos, at quantam vitae partem, exegisti. Dimisit Te ad ampliora munera devocatum Torgova, sed dimisit ne suus esse desineres civitate donatum. Neque id immerito. Suspiciunt qui nunc Te habent summam quae in Te est doctrinae copiam, admirabilem animi vigorem et constantiam, indefessam in maximis minimis industriam, egregiam simplicitatem et verborum veritatem merittimumque Te uno ore praedicant. Non alium Te olim Torgovae praebuisti, non aliter tum cives magistri discipuli senserunt. Promptam paratamque habuisti doctrinae copiam, sapientissime monstrasti studiorum rationem, strenue et impigre mores tuitus es et disciplinam, unicuique apertus ab omnique simulatione alienus affuisti consilio, omnibus denique



officiis satisfacisti religiosissime. Atque mirifice Tuis auspiciis  
effloruisse gymnasium, quum hinc discessisti, una fuit et con-  
sentiens vox. Nec post discessum abolevit Tui memoria,  
immo vivam grato animo et tenuerunt et tenent Torgovani.  
Quoniam annum jam alterum et vicesimum absens noster esse  
non desisti, est profecto, est cur Tibi hunc diem laetissimum,  
quem post tot annorum laborem videre insigni Dei beneficio  
Tibi contigit, civi cives magistro magistri pie gratulemur  
bonisque votis prosequamur. Quid sit vires alere, magnum  
Tu dedisti documentum, qui plus septuaginta annorum non  
fractus corpore non satiatus animo juvenili robore et ardore  
ipsos juvenes aequiparas: salvus et validus esse pergas, ad-  
jicias peractis decem lustris multos annos, prospera omnia  
Tibi Tuisque contingant. Quod utinam Deus Optimus Maxi-  
mus faciat. Vale et nobis fave.



**F**ons est aquarum valle Bohemiae  
**S**anequam amoena vel procul inclutus,  
**V**enator olim quem scatentem  
**R**ex Carolus reperisse fertur.

**H**unc si bibant, qui renibus, hepate,  
**E**xitis laborent, esse perutilem  
**T**estes, quotannis qui salutem  
**U**ndique eo coeunt petentes.

**T**u gratus illinc, candide et impiger  
**R**ector scholarum, sponte fatebere,  
**M**uellere, multum sublevatus  
**S**aepius ipse domum redisti.

Dulce atque pulchrum, quod deus optimus  
 Infirmiorum corpora viribus  
 Sic recreatis integrisque  
 Convaluisse jubet benigne.

Sed nonne nobis pars melior data est?  
 Ornare mentem, largiter ingeni  
 Augere vires, expedire,  
 Denique reddere praestat aptas

Rebus gerundis fortiter. An decet,  
 Natura dotes quas dedit insitas  
 Mortalem omisso omni pudore  
 Pro nihilo male sanum habere?

Sunt, sunt perennes, ex quibus haurias  
 Fontes, redundant ubere copia,  
 Quis usa reclusis habebit  
 Munera mens peritura nunquam.

Musis amicum Grajugenum genus  
 Ac stirps ferocis bellica Romuli  
 Saeclis reliquerunt futuris  
 Quot studio monumenta digna!

Princeps Homerus ducit et agmine,  
 Cui fulgurantem signifer ut bonus  
 Praefert facem, longo sequuntur  
 Pindarus aureus Aeschylusque

Sollers et audax cum Sophocle gravi,  
 Longe eminentes, Herodotus probe  
 Rerum peritus, dein Platoque  
 Divus Aristotelesque prudens,

Demosthenes post hos, Cicero quoque,  
 Par eloquens, tum suavis Horatius —  
 Quid multa? Qui palmam tulere,  
 Ordine vel numerare longum est.

Altae hi magistri sunt sapientiae:  
 Ex his petendas esse animis bonas  
 Fruges, beatam si quis optet  
 Vitam agere, his opus esse constat.

Visum et Tibi sic, Misnia testis est  
 Altrix Tui olim laetaque concinit  
 Torgova, multos quae per annos  
 Te celebrem coluit magistrum.

Nam quod, quem amabas, Hesiodus canit,  
 Sudore virtutem ab superis dari,  
 Incessit ingens Te cupido  
 Hoc operae pretium ferendi.

Versare libros nocte dieque jam  
 Sudore dignos haud manus abstinit:  
 Lenimen unum est, solus ardor  
 Artibus ingenuis vacare.

Tantique deinceps propositi tenax,  
 Albis retentus fluminis accola,  
 Ut Te paratum misit Afra  
 Ac docuit Viteberga mater,

Dux et magister, sede domestica  
 Mox collocata, strenuus ac gravis  
 Quae digna cognosci videntur  
 Quaeque decent juvenes docebas:

Ex quo fuisse in deliciis Tibi  
 Summis, alumnos ducere sedulo  
 Fontes ad istos et vias his  
 Non facile aut cito eo ferentes



Monstrare, quis non viderit ex Tuis?

An fugerit quem, ut semina sparseris

Fecunda recte Tu subactis

Mentibus et similis colono

Ut cognituris tum segetes bene

Laetas pararis, qui Theopompus ut

Tendebat, hunc frenis coërcens

Aut Ephoros stimulans inertes?

Nutrire grates par Tibi debitas

Aequumque, quotquot discipuli pii

Te tam fidelem tamque navum

Atque tuos recolunt labores:

Omnesque gaudent, propitio deo

Annis relapsis hic Tibi quod dies

Illuxit almus contigitque

Lustra decem docuisse multos,

Nec non lubentes Te ducem et auspicem

Ad saniores se sapientiam

Veraeque sublapsam salutis

Spem revocasse palam fatentur.

En Saxones, quos Pieridum choro  
Torgova vidit sacrificare tunc,  
Frequentiores et Borussi  
Praepositum Te adeunt ovantes.

Plaudunt sodales gymnasiumque, nunc  
Quod floret amplam Sterrhopetram prope,  
Vis et dierum ut crescat optant  
Atque hilaris Tibi sit senectus.

*J. G. Rothmann.*